

漢魏六朝百三家集

教

爲建平王聘隱逸教

府州國綱紀夫。矯夏已沒。大道不行。雖周惠之
富。猶有漁潭之士。漢教之隆。亦見棲山之夫。迹
絕雲氣。意負青天。皆待絳螭驤首。翠虬來儀。是
以遺風獨扇。百代餘烈。激厲後生。斯乃王教之
助。古人之意焉。吾稅駕舊楚。憩乘汀潭。挹於陵
之操。想漢陰之高。而山川遐久。流風無沫。養志
數人。並未徵采。善操將棄。良用慨然。宜速詳舊

禮各遣繻招庶暢此幽襟以旌蓬華

建平王赦五刑教

府州國綱紀吾謬繼朝組廼班恩命重渥華蕃
踐寵懋旬永言政惠良攬清寐况舊楚地曠前
郢氓殷水帶枉渚山匝魯陽自頃田邑榛故封
并萊蕪財賦方屈犴獄實繁思所以厚風釐俗
變瑟改調自五歲刑已下未送臺者一皆原遣
文武彈坐亦悉復職主局依舊施散薄紓此懷
爲蕭太傅東畔教

三府二州綱紀夫寶農賤貨綵炤周滕巡畊去
販光炎漢錄故能業滋都野產殷絃縣吾任屬
弘寄思闡治源慮以晨感情以宵嘆今玄司調
氣青祇仁節陳旣柔服方秀電爍有期桐
萌無遠便當躬速紺耦道先列辟事均暫勞迹
在永豫可尅日備辦詳典施行
爲蕭驃騎發徐州三五教
州府綱紀沈攸之背慢靈極稽誅之日久矣况
稱兵江漢之上圖彙廟闕之下惡熾罪盈民靈

所絕朝廷以尅辰纂嚴令輿鳳駕吾任先貴近
義兼常慨挺刃投袂信見其時方當水斬龍蛟
陸斷犀兒雖烈士銜志壯夫投槩然雲羅旣舒
宜廣威防所統郡縣便普三五咸依舊格以赴
戎麾主者飛火施行

爲蕭驃騎築新亭壘理枯骸教

府州綱紀夫汝南稱慈諒由掩骼廣漢流仁實
存殯朽近築製茲營崇壘浚塹古墟曩遂時有
湮移深松茂草或致刊薙憑軒動懷巡隍增愴

宜並爲收改、勿毀奠祀、主局詳辨施行

This image shows a vertical strip of a heavily textured and aged surface. The material appears to be a book cover or endpaper, characterized by a mottled, brownish-grey color and a rough, fibrous texture. There are numerous small, dark spots and larger, irregular patches of discoloration throughout, suggesting significant wear, age, and possibly water damage or mold. The lighting is somewhat uneven, with the right side appearing slightly brighter than the left, highlighting the surface irregularities.

This image shows a vertical strip of a document page. The left edge is a dark, textured binding. The right side is a light, aged paper surface. Faint, illegible text and markings are visible across the page, including a small, dark, rectangular stamp or mark near the bottom center.

表

○拜中書郎謝表

榮鬱兩臨。恩儼交鏡。悄然攄寃。廼懼廼逝。臣聞
汝潁之金。或揚采於四豪。江淮之珠。已馳光於
七貴。皆聲不妄美。第豈虛立。未有伎慙湘輿。蒙
送目之賞。工謝綵輪。竊歸風之價。臣幼乏篆刻
長睽圖史。智罕効官。志闕從政。方遽求振風。長
憂凌雨。不悟遭社鳴之屬。際河清之會。玄雲素
霞。必駕蓬萊。白雉駢鱗。咸蒙解遂。仕通物任。官

江醴陽集
卷一
登郎掾。此實耀靈之私照。而微臣之厚幸也。仰
惟皇衢大融。氣品呈觀。西傾棧山。東鯁航海。故
奇士端威。異人罄拆。皆相望北闕。待詔南宮。而
臣學無利博。文有攸害。廼影裾頓屣。伏黃扉之
右。曳纓轉笏。居青瑣之前。訪德於姑射。聞道於
崆峒。伊臣之願。過爲信矣。管望都才麗。爵之上
班。長岑聞靡。身終下秩。愚臣方古。悠然已泰。丙
燭徘徊。眇不識屈。

○拜正員外郎表

臣邁鄉遠迹由學末徒不瑩雕龍之采甯照玄
豹之飾自過被光私濫蒙恩幸屢度經冬亟移
春序皇緯如紐慙飛塵之効璿基方峻謝寒露
之勤故宜伏影軒間卷氣衡下猶蒙供事紫楹
奉役丹殿巡魄擎概榮渥不晤震離徹邃阿景
洞幽復昇官清閨列版嚴闥葢識何算爰忝叔
則之仕菲質焉樹廼謬仲容之職猥枉青牕增
光空質心據未塵情慙洞戶伫首矯迹以銘以
奏。

○爲建平王慶明帝疾和禮上表

臣聞慶動至玄。則昌衢敦序。教孚上雲。則紫寓
交泰。故祈寒溽暑。無以變其和。沴火凝陰。不能
徙其氣。伏惟陛下。至德遐穆。實天縱聖。仁鑄蒼
岳。道括寰海。故丹陵之君。歛金泥而謝賢。媯墟
之后。眷龍圖而慚德。頌聲蔽達。歌思匝道。而望
景暫虧。輪光少曖。玉牖違和。金幌輟念。百祠未
遑。四嶽匪處。吉蠲爲應。神御方休。瑞廣文齡。祥
深武日。具惟涵教。欣愉兼薦。臣班戚奉慈。實自

慶舞不勝悅豫之情

建平王慶安城王拜封表

麗采繩河、映萼璿圃、淑問夙孚、令儀早晰、撰告
候辰、昭膺輝序、國維富禮、皇塗凝衛、具生屬慶、
懷識戴躍、臣涵悅楚邊、魂馳關闕、不任下情、

建平王之南徐州刺史辭闕表

臣過承寵靈、閔黜暇日、徒抱皇慈、無充橫草而
品第、廼崇軒服、逾峻顧茲、覩躬彌覲、荒昧今便
奉官外甸、卷迹徐山、託慕宸嚴、載惟感戀、哀疾

不獲詣闕不任窮鯁之情

○建平王讓右將軍荊州刺史表

茂寵廼臨炫奪彝典巡恩鏡飾攬情震慮臣聞
該秩詔京匪賢莫能孚其職端維裂陝非功無
或濫其選所以輪鞅國典締結民紐五威咸平
四精或訓者也臣踐行迷方試業敝緒徒以綴
采宗莩承渥帝席執圭戴筆亟荷出內至乃曳
組河縣茂馴羽之化鳴環京轂謝擇鱗之政聲
績兩無風化雙缺而龜紐未剔璽書頻降復改

冊湘區分瑞衡服。竟無賈琮交部之廉。終乏郭
伋并壤之信。固以雜沓民明。湫隘身諷。不悟皇
靈再輝。河海重渥。遂踰恒采。妄賁異等。荆門務
要。方城任積。水交沅澧。山通岷峨。襟帶百縣。縈
抱七州。上德懋勲。勘居斯地。宵臣膠固。所宜膺
荷。是以焦薄。覓色驚迫。心影謹刷。睿情置露。弱
志伏願。陛下停旒弛珎。暫炤瑣曲。則鑄才式弘。
練物惟遠。王度旣清。蒙識以泰。不勝慙懔。屏營
之情。

爲蕭驃騎讓封第二表

臣某言。寫瀝愚丹。已續前表。猥降前詔。未垂鏡
恕。一省驚慙。再悸冤府。靜躬自察。啓居匪地。臣
聞日薄星迴。昊天無以爽其節。山盈川冲。厚地
不能虧其度。豈不靈鑄有限。神極無爽。况世道
恒淪。人彘剽奪。數滿必泐。虛飾小故。亂大臣才
非古賢。任鈞左戚。祚開山河。兼金疊組。爵倭常
班。寵溢前達。以榮以渥。且慙且覲。雖嘉銘門之
恭。更懼循墟之速。矧乃三司業貴。上將地宗。愬

錄務廣、河汾寄深、珪寓方啓、劔衛增肅。旣驚朝
野、足震城邑、殷周富士、猶難其人。漢魏多才、亦
罕兼職。且麟閣之臣、尙有位不及鉉、全器之侯、
猶或任不並台。名爵無假、前世之雄、規車旗勿
濫、中葉之英、軌况鴻誥、鬱集懋冊、頓萃諒非虛
薄、輕所膺符、今殷夏旣聲、封國式固、故天地燁
耀、日月更輝、陛下停若鏡之明、流如雲之愛、方
求士於版巖、宜思賢於屠肆、而私臣以闡廟、寵
臣以帷鼎、位兼文武、職惣內外、非所以發夢渭、

濱儲精河藪、鐫金刻石、旣不可詮、輿歌里誦、其
謂臣何、仰緣大道方行、蒼祇宅氣、威靈所燭、九
功咸詠、甯於庸臣、獨隔恩耀、誓守愚衷、重扣雲
日、如蒙恩宥、實生之幸、不任慊欵之誠、

○爲蕭驃騎讓封第三表

臣某言、臣再抽慊、請辭爲理、屈側守圭、漏伏望
衷鑑、而宸緯嚴秘、襟棕徒懸、優獎之隆、非復常
旨、肅奉驚懷、晷曉如矢、臣炤冊訪古、誦史稽咎、
以爲敷道之寄、管物成務、忽錄之重、匡績毗風、